

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидаларын бекіту туралы

Күшін жойған

Қазақстан Республикасы Ауыл шаруашылығы министрінің 2015 жылғы 6 наурыздағы № 18-02/201 бұйрығы. Қазақстан Республикасының Әділет министрлігінде 2015 жылы 30 сәуірде № 10911 тіркелді. Күші жойылды - Қазақстан Республикасы Экология, геология және табиғи ресурстар министрінің 2021 жылғы 20 қазандағы № 413 бұйрығымен.

Ескерту. Күші жойылды - ҚР Экология, геология және табиғи ресурстар министрінің 20.10.2021 № 413 (алғашқы ресми жарияланған күнінен кейін күнтізбелік алпыс күн өткен соң қолданысқа енгізіледі) бұйрығымен.

"Ерекше қорғалатын табиғи аумақтар туралы" Қазақстан Республикасының 2006 жылғы 7 шілдедегі Заңының 8-бабы б) тармақшасына сәйкес **БҰЙЫРАМЫН:**

1. Қоса беріліп отырған Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидалары бекітілсін.

2. Қазақстан Республикасы Ауыл шаруашылығы министрлігінің Орман шаруашылығы және жануарлар дүниесі комитеті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық Қазақстан Республикасы Әділет министрлігінде мемлекеттік тіркелгеннен кейін он күнтізбелік күн ішінде оның көшірмесінің мерзімді баспа басылымдарында және "Әділет" ақпараттық-құқықтық жүйесінде ресми жариялауға жіберілуін;

3) осы бұйрықтың Қазақстан Республикасы Ауыл шаруашылығы министрлігінің ғаламтор-ресурсында орналастырылуын қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасы Ауыл шаруашылығы вице-министріне жүктелсін.

4. Осы бұйрық алғаш ресми жарияланған күнінен кейін жиырма бір күнтізбелік күн өткен соң қолданысқа енгізіледі.

"КЕЛІСІЛДІ"

Қазақстан Республикасы
Ұлттық экономика министрі
_____ Е. Досаев
2015 жылғы " ____ " _____

Қазақстан Республикасы
Ауыл шаруашылығы министрінің
2015 жылғы 6 наурыздағы
№ 18-02/201 бұйрығымен бекітілген

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидалары

1. Жалпы ережелер

1. Осы Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидалары (бұдан әрі – Қағидалар) "Ерекше қорғалатын табиғи аумақтар туралы" Қазақстан Республикасының 2006 жылғы 7 шілдедегі Заңының (бұдан әрі – Заң) 8-бабы 6) тармақшасына сәйкес әзірленді.

2. Заңның 43-1-бабының 1-тармағына сәйкес Марқакөл мемлекеттік табиғи қорығының (бұдан әрі – қорық) аумағында арнайы бөлінген учаскелерде күзету аймағында тұратын жергілікті халықтың мұқтаждықтары үшін мемлекеттік экологиялық сараптаманың оң қорытындысы болған жағдайда биологиялық негіздеменің негізінде әуесқойлық (спорттық) балық аулауға жол беріледі.

3. Қорықта әуесқойлық (спорттық) балық аулау Марқакөл көлінің Урунхайка селосына жанасып жатқан солтүстік-шығыс бөлігінде орналасқан учаскесінде ұйымдастырады.

Учаскенің шекарасы шығыс және оңтүстік жағынан көлдің жағалау жиегімен өтеді, батыс шекарасы Тихушка өзені сағасы (оңтүстік-шығыс жағалау) мен " екінші Мүйіс" (солтүстік-шығыс жағалау) аралығындағы көл айдынында орналасқан. Көлдің жағалау жиегіне қатысты № 1 учаскенің батыс шекарасы көл айдынында 900 метрден 1500 метрге дейінгі қашықтықта өтеді. Учаскенің алаңы 615 гектар.

Ескерту. 3-тармақ жаңа редакцияда – ҚР Экология, геология және табиғи ресурстар министрінің 21.01.2020 № 19 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

4. Арнайы бөлінген учаскелерде әуесқойлық (спорттық) балық аулау, 1 мамырдан бастап 1 шілде қосылатын бағалы балық түрлерінің уылдырық шашу кезеңінен басқа, ағымдағы жылдың 15 ақпанынан бастап келесі жылдың 15 ақпанына дейінгі кезеңде жүргізіледі.

2. Әуесқойлық (спорттық) балық аулау тәртібі

5. Әуесқойлық (спорттық) балық аулауға балық аулаушыда жеке басын куәландыратын құжаттар және әуесқойлық (спорттық) балық аулауға жолдама (бұдан әрі – жолдама) болған жағдайда жүргізіледі.

6. Осы Қағидалардың 2-қосымшасына сәйкес нысан бойынша жолдаманы қорық әкімшілігі береді және осы Қағидалардың 3-қосымшасына сәйкес нысан бойынша нөмірленген, тігілген және қорық әкімшілігінің мөрі басылған қорықта әуесқойлық (спорттық) балық аулауға жолдамалар беру журналына тіркейді.

Ескерту. 6-тармақ жаңа редакцияда – ҚР Экология, геология және табиғи ресурстар министрінің 21.01.2020 № 19 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

7. Жолдамалар нөмірленеді және қатаң есептілік құжаты болып табылады.

8. Жолдама тұрғылықты жері бойынша жеке тұлғалардың тіркелгені және " Салық және бюджетке төленетін басқа да міндетті төлемдер туралы" Қазақстан Республикасының 2017 жылғы 25 желтоқсандағы Кодексінің (Салық кодексі) 582 -бабының 3-тармағында белгіленген мөлшерлемелер бойынша жануарлар дүниесін пайдаланғаны үшін төлемақы төленгенін растайтын құжаттар және тұрғылықты жері бойынша жеке тұлғаларды тіркелуі болған жағдайда беріледі.

Тұрғылықты жері бойынша жеке тұлғалардың тіркелгені "Үшінші тұлғаларға анықтама алу сервисі" автоматтандырылған қызметі арқылы "Қазақстан Республикасының "электрондық үкімет" порталында белгіленеді.

Ескерту. 8-тармақ жаңа редакцияда – ҚР Экология, геология және табиғи ресурстар министрінің 21.01.2020 № 19 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

9. Жолдама 7 күнтізбелік күнге дейін мерзімге беріледі, бір жолдамаға ауланатын балық көлемі 5 килограмнан аспайды.

10. Жоғалған және пайдаланылмаған жолдама қалпына келтірілмейді және ұзартылмайды.

11. Балық аулаушы әуесқойлық (спорттық) балық аулау басталар алдында қорықтың бақылау бекетінде тіркелу үшін осы Қағидалардың 5-тармағында көрсетілген құжаттарды тапсырады.

12. Арнайы бөлінген әуесқойлық (спорттық) балық аулау учаскелері жергілікті жерде әуесқойлық (спорттық) балық аулау орындары туралы ақпараты бар көрсеткіш белгілермен белгіленеді.

13. Әуесқойлық (спорттық) балық аулау барлық жүйелер мен атаулардың (жылтырауық темір, қармақ, жерлицалар, спиннингтер) бір балық аулаушыға 5 данадан аспайтын ілгекті қармақтармен жүргізіледі.

14. Балық аулаушы кестенің тиісті бағандарын толтырып, жолдамаға ауланған балықтың мөлшері мен түрлері туралы мәліметтер енгізеді.

15. Балық аулаушының ауланған балығы бақылау бекетінде қорықтың мемлекеттік инспекторына көрсетіледі, ол жолдамаға енгізілген мәліметтердің дұрыстығын тексеріп, қол қою арқылы куәландырады. Бұл белгі ауланған балықты тасып әкетуге немесе алып кетуге негіз болып табылады.

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидаларына
1-қосымша

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулауды жүзеге асыру үшін Марқакөл мемлекеттік табиғи қорығының аумағында Марқакөл көлінің арнайы бөлінген учаскелерінің тізбесі

Ескерту. 1-қосымша алып тасталды – ҚР Экология, геология және табиғи ресурстар министрінің 21.01.2020 № 19 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидаларына
2-қосымша

Нысан

Марқакөл мемлекеттік табиғи қорығының күзету аймағында тұратын жергілікті тұрғындардың мұқтаждықтары үшін рұқсат етілген әуесқойлық (спорттық) балық аулауға жолдама

Қазақстан Республикасы Ауыл шаруашылығы министрлігінің Орман шаруашылығы және жануарлар	Қазақстан Республикасы Ауыл шаруашылығы министрлігінің Орман шаруашылығы және жануарлар
---	---

Орман шаруашылығы және жануарлар дүниесі комитеті ТҮБІРТЕК № _____ "Марқакөл мемлекеттік табиғи қорығы" РММ Кімге берілді _____ (Т.А.Ә., бар болған кезде) Мөлшері _____ (килограмм) Балық түрі _____ Су бөгені мен учаскенің атауы _____ Көлік _____ (түрі, маркасы, мемлекеттік нөмір белгісі) Қолданылу мерзімі: 20__ жылғы "___" _____ бастап 20__ жылғы "___" _____ дейін. Берілген күні: 20__ жылғы "___" _____ дейін. Берілген күні: 20__ жылғы "___" _____ Жолдаманы алдым, Қағидалармен таныстым _____

дүниесі комитеті
ЖОЛДАМА
№ _____
"Марқакөл мемлекеттік табиғи қорығы" РММ
Кімге берілді _____
_____ (Т.А.Ә., бар болған кезде)
Мөлшері _____
_____ (килограмм)
Балық түрі _____
Су бөгені мен учаскенің атауы _____
Көлік _____
ЖОЛДАМАНЫҢ сыртқы беті
Балық аулау туралы мәліметтер
Күні _____ Балық түрі _____ Мөлшері (килограмм) _____
ЖИЫНЫ: _____
Балық аулаушы _____ (Т.А.Ә., бар болған кезде) _____ (колы) _____
М Т Қ аумағына кіру кезінде көлікті тексерген инспектор _____

ЖОЛДАМАНЫҢ сыртқы беті
Балық аулау туралы мәліметтер

Күні	Балық түрі	Мөлшері (килограмм)
ЖИЫНЫ:		

Балық аулаушы _____

(Т.А.Ә., бар болған кезде)

(колы)

_____	_____
(Балықшының Т.А.Ә., бар болған кезде)	(Т.А.Ә., бар болған кезде, қолы)
_____	М Т Қ
_____	аумағынан
(қолы)	шығу кезінде
Жолдаманы	ауланған
берген _____	балық
_____	мөлшеріне
(Т.А.Ә., бар болған кезде)	бақылау жасаған инспектор
_____	_____
_____	_____
(қолы)	(Т.А.Ә., бар болған кезде)
_____	_____
_____	_____
_____	(қолы)

Марқакөл мемлекеттік табиғи қорығының күзету аймағында тұратын жергілікті халықтың мұқтаждықтары үшін рұқсат етілген әуесқойлық (спорттық) балық аулау қағидаларына
3-қосымша

Нысан

Марқакөл мемлекеттік табиғи қорығының күзету аймағында тұратын жергілікті тұрғындардың мұқтаждықтары үшін рұқсат етілген әуесқойлық (спорттық) балық аулауға жолдамалар беру журналы

р/с №	Балық аулаушының Т.А.Ә. (бар болған кезде)	Балық аулаушының тұрғылықты жері	Жолдама берілген күн	Жолдама нөмірі	Жолдаманың қолданылу мерзімі	Су айдыны мен учаскенің атауы
1	2	3	4	5	6	7

кестенің жалғасы

Балық түрі	Мөлшері		Балық аулауды бақылайтын адам (Т.А.Ж., бар болған кезде)	Қолдары	
	дана	килограмм		Жолдама беруші	Жолдама алушы
8	9	10	11	12	13

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК